


**CONVENIO DE COLABORACIÓN ENTRE A CONSELLERÍA DE SANIDADE,
O SERVIZO GALEGO DE SAÚDE E AS UNIVERSIDADES DE A CORUÑA,
SANTIAGO DE COMPOSTELA E VIGO PARA A REALIZACIÓN DE
PRÁCTICAS DOS ALUMNOS DO "MÁSTER INTERUNIVERSITARIO EN
TÉCNICAS ESTADÍSTICAS"**


Santiago de Compostela 16 de xaneiro de 2012.

REUNIDOS

Dunha parte, Dna. Rocío Mosquera Álvarez, Conselleira de Sanidade e presidenta do Servizo Galego de Saúde, de acordo co establecido no artigo 34 da Lei 1/1983, de 22 de febreiro, de normas reguladoras da Xunta e da súa presidencia, modificada pola Lei 11/1998, de 20 de outubro e de conformidade cos Decretos 310/2009 e 311/2009, do 28 de maio, polos que se establecen as estruturas orgánicas da Consellería de Sanidade e do Servizo Galego de Saúde, respectivamente e de conformidade co establecido na Lei 4/2006, de 30 de xuño, de Transparencia e Boas Prácticas na Administración Pública Galega, así como na Lei 30/1992, de 26 de novembro, de Réxime Xurídico das Administracións Públicas e do Procedemento Administrativo Común.

E de outra parte

 D. Xosé Luis Armesto Barbeito, Reitor Magnífico da Universidade da Coruña, en uso das atribucións que lle confire o art. 36.1.f) dos Estatutos desta Universidade, aprobados por Decreto 101/2004, do 13 de maio, da Xunta de Galicia (DOG 26 de maio), modificados polo Decreto 194/2007 do 11 de outubro.



D. Juan José Casares Long, Reitor Magnífico da Universidade de Santiago de Compostela, que actúa en nome e representación da mesma en virtude de o seu nomeamento polo Decreto 99/2010, de 17 de xuño de 2010, publicado no DOG de 24 de xuño do mesmo ano, e polas facultades conferidas pola Lei Orgánica 6/2001, de 21 de decembro de Universidades e o Decreto 28/2004, de 22 de xaneiro polo que se aproban os Estatutos da Universidade de Santiago de Compostela.


D. Salustiano Mato de la Iglesia, Reitor Magnífico da Universidade de Vigo, nomeado segundo Decreto da Comunidade Autónoma de Galicia nº 90/2010 de 10 de xuño publicado no DOG nº 114 de 17 de xuño de 2010, de acordo coas competencias que lle outorga o artigo 20 da LOU e o artigo 58 dos Estatutos aprobados polo Decreto 7/2010 de 14 de xaneiro e publicado no DOG nº 21 de 2 de febreiro de 2010 (BOE nº 69 de 20 de marzo de 2010)

Interveñen en función dos seus respectivos cargos, no nome das entidades que representan, e no exercicio das facultades que teñen conferidas e

ACORDAN

A firma do presente Convenio que ten por obxecto establecer a colaboración entre a Consellería de Sanidade, o Servizo Galego de Saúde e as Universidade de A Coruña, Santiago de Compostela e Vigo de cara a unha adecuada programación e desenvolvemento da formación practica dos alumnos matriculados no master interuniversitario en técnicas estatísticas.

O desenvolvemento deste Convenio rexerase polas seguintes



CLAUSULAS


Primeira. – O presente convenio ten por obxecto establecer a colaboración entre a Consellería de Sanidade, o Servizo Galego de Saúde e as Universidades de A Coruña, Santiago de Compostela e Vigo de cara a unha adecuada programación e desenvolvemento de formación practica de alumnos matriculados no master interuniversitario en técnicas estadísticas

Segunda. –As prácticas desenvolveranse nos centros, servizos ou unidades administrativas que a Consellería de Sanidade e o Servizo Galego de Saúde, no ámbito das súas competencias, poñan a disposición do obxecto e fins sinalados.

A selección dos centros asistenciais ou unidades administrativas para a realización de prácticas e o establecemento do número definitivo de alumnos/as aceptados corresponderá ao Servizo Galego de Saúde, a través da Subdirección Xeral de Investigación, Docencia e Innovación, unha vez consultados os correspondentes centros e unidades administrativas e tendo en conta criterios de índole didáctica e organizativa.

Terceira. – A distribución de alumnos e a súa selección será competencia da Comisión Académica do Máster.

A selección dos alumnos e alumnas do Master Interuniversitario en Técnicas Estadísticas que haxan de realizar formación practica no marco do presente convenio, corresponderá a Comisión Académica do Máster, como órgano coordinador, por medio do oportuno procedemento de elección partindo do requisito establecido na cláusula segunda.



A comisión académica do Master comunicará ó Servizo Galego de Saúde, a través da Subdirección Xeral de Investigación, Docencia e Innovación os estudantes que realizarán a formación práctica obxecto do presente convenio e os correspondentes contidos e obxectivos con antelación suficiente ao inicio da actividade que se solicita.


Cuarta. – Os alumnos terán como titores a un profesional da Consellería de Sanidade ou do Servizo Galego de Saúde, e a un profesor nomeado pola comisión académica do Master.

Os titores velarán pola súa formación e polo cumprimento do Plan de Traballo aprobado pola comisión académica do Master.

Como recoñecemento do esforzo dos profesionais que titorizan a formación práctica, a tres universidades emitirán un certificado acreditativo da súa labor de titorización, segundo o modelo vixente.

Quinta. - O número total de horas de dedicación dos alumnos a este programa será de 250 horas realizadas durante o ano, a partires do día seguinte a sinatura do presente convenio. Deste modo, a formación práctica dos alumnos matriculados no master interuniversitario en técnicas estadísticas non superara o 50% do tempo íntegro que constitúe o curso académico (30 créditos ECTS x 25 h =750 h).

Sexta. - A participación dos alumnos nas investigacións descritas farase en calidade de estudos prácticos encamiñados á realización do Traballo Fin de Master, cuxa dirección asumirá o profesor que determine a Comisión Académica do Master. O alumno non percibirá remuneración algunha da Consellería de Sanidade nin do Servizo Galego de Saúde por estas actividades formativas.

The image shows three handwritten signatures in black ink. The first signature is on the left, the second is in the middle, and the third is on the right. They are all stylized and appear to be initials or names.


As bibliotecas das Universidades facilitarán o acceso, intercambio de información e suministro de documentos (SOD) para estes alumnos/as nas mesmas condicións establecidas para os demais estudantes das Universidades. Así mesmo, os/as alumnos e alumnas que realicen as prácticas ao amparo do presente convenio poderán facer uso das instalacións e servizos das bibliotecas da consellería de Sanidade e do Servizo Galego de Saúde, incluídos os servizos e prestacións da Biblioteca Virtual (Bibliosaúde), nas mesmas condicións que os usuarios da consellería de Sanidade e do Servizo Galego de Saúde

Sétima. – O alumnado estará suxeito á duración, calendario, horario, lugar e actividade establecidos conxuntamente na forma que se indica no Plan de Traballo, que será elaborado de xeito personalizado para cada alumno polos titores que lle sexan asinados e que deberá contar co visto bó da Comisión Académica do Master. Aplicaranse con dilixencia ás tarefas encomendadas e gardarán sxiilo sobre as tarefas que estean realizando durante o seu período de practicas e ata unha vez que este finalice.

Dado o carácter formativo das practicas, os alumnos e alumnas non poderán asinar nin asumir responsabilidades nin realizar actuacións que esixan desempeño profesional.

Os centro ou unidades da Consellería de Sanidade e do Servizo Galego de Saúde poderán desistir, mediante resolución motivada, da formación daquel alumno ou alumna cuxo baixo grao de aproveitamento, falta de asistencia, interferencia co labor do centro ou outras causas relacionadas co incumprimento do mencionado compromiso, así o aconsellen.

Oitava. – Os alumnos e os Titores obríganse a presentar sendos informes finais sobre o desenvolvemento e resultados deste Programa de Cooperación.



Novena. – A Consellería de Sanidade e o Servizo Galego de Saúde non se farán responsables dos accidentes ou enfermidades que o alumnado puidese padecer no transcurso das prácticas, nin tampouco dos danos que puidese ocasionar durante a realización de ditas prácticas a persoas ou bens.

As Universidades de Santiago de Compostela, Vigo e A Coruña comprométense a que os alumnos en prácticas estean cubertos polo seguro escolar ou o correspondente seguro de accidentes para maiores de 28 anos que cubra a todos os alumnos durante os períodos de prácticas desenvoltoas ao amparo deste convenio. A non adecuada acreditación deste seguro suporá a imposibilidade de realización das prácticas.

Décima. A realización de prácticas por parte dos estudantes ao amparo do presente convenio, non constitúe vinculo laboral nin contractual de ningún tipo entre estes e as partes asinantes, non podendo xa que logo percibir contraprestación económica algunha nin ser incluídos no réxime da Seguridade Social.

Undécima. Para o desenvolvemento e control daquelas accións que, con motivo do presente convenio, sexan levadas a cabo, constituirase unha Comisión de seguimento, coa finalidade de resolver as dúbidas que se produzan na súa interpretación e aplicación.

Esta comisión estará integrada por un representante por cada unha das institucións asinantes, e terá as seguintes competencias con respecto ás prácticas:

1. Garantir o desenvolvemento normal dos compromisos asumidos.
2. Coordinar as accións e articular instrumentos de mellora e fórmulas de incremento da eficacia.
3. Propoñer adendas ou modificacións a este convenio para que sexan aprobadas polos órganos competentes.




Duodécima. As partes asinantes do presente convenio comprométense a resolver de maneira amigable calquera desacordo que poida xurdir no desenvolvemento do mesmo. De non chegarse a acordo, as cuestións obxecto de diverxencia serán tratadas na comisión de seguimento e, de persistir, serán elevadas á conselleira de Sanidade, cuxa resolución porá fin á vía administrativa e poderá ser impugnada ante a xurisdición contencioso-administrativa.

Décimo terceira. Serán causa de resolución do presente convenio:

- O incumprimento total ou parcial das súas cláusulas.
- A denuncia unilateral por calquera das partes, sempre e cando se fundamente en deficiencias de funcionamento que resulten ser irresolubles.
- O transcurso do tempo estipulado sen que este se desenvolva.

Décimo cuarta. O prazo de vixencia deste convenio será dende o día seguinte ao da súa sinatura e manterá a súa vixencia ata o 31 de decembro de 2012, podéndose prorrogar tacitamente por novos períodos anuais a computar dende a finalización do presente convenio que se suscribe, salvo que exista denuncia expresa dalgunhas das partes, realizada cun mes de antelación ao vencemento do prazo de vixencia inicial ou de calquera das súas prorrogas.



En proba de conformidade, asínase o presente Convenio en quintuplicado exemplar, no lugar e data anteriormente indicados.

Pola Universidade de A Coruña

-O Reitor



Xosé Luis Armesto Barbeito

Pola Universidade de Santiago de

Compostela –

O Reitor



Juan José Casares Long

Pola Universidade de Vigo –

O Reitor



Salustiano Mato de la Iglesia

Pola Consellería de Sanidade

A Conselleira



Rocío Mosquera Álvarez